

SAMOA

Faatulagaina o Aiaiga

- | | |
|--|--|
| 1. Igoa puupuu ma le amataga | 4. Malosiaga e fai ai tulafono |
| 2. O le mafai ona tali atu o le
Komiti Faatino e Pulea Taavale | faapoloaiga mo taavale feoi |
| 3. Galuega Tauave ma Lipoti
Faaletausaga a le Komiti
Faatino | 5. Aloaia o nisi o tulafono
faapoloaiga mo taavale feoi |
| | 6. Teuteuga e mulimuli mai ai |

2003, Nu. 2

O SE TULAFONO e teuteu ai le Tulafono o Taavale Feoi i Ala Tetele 1960 e faatatau i le Komiti Faatino e Pulea Taavale, le aloaia o nisi o tulafono faapoloaiga mo taavale feoi ma aiaia ai mo teuteuga e mulimuli mai ai o le Tulafono o Felauaiga i Auala ma le Pulea o Taavale e Feoi i Ala Tetele 1990. *[28 Ianuari 2003]*

UA FAIA e le Fono Aoao Faitulafono o Samoa i totonu o le Palemene ua potopoto e faapea:-

1. Igoa puupuu ma le amataga-(1) E mafai ona taua lenei Tulafono o le Tulafono o Teuteuga o le Tulafono o Taavale Feoi i Ala Tetele 2003 ma e vagana ai le fuaiupu 5 e tatau ona faitauina faatasi ma avea ai o se vaega o le Tulafono o Taavale Feoi i Auala Tetele 1960 (o le Tulafono autu).

(2) O lenei Tulafono o le a amata faamamaluina i le aso e tuuina i ai le maliega a Le Ao o le Malo.

(3) O le faasilasilaga o le amata faamamaluina o lenei Tulafono o le a lomia faasalalau i le gagana Samoa ma le gagana Peretania i le Savali ma se tasi o nusipepa o lo o faasalalauina i totonu o Samoa.

2. O le mafai ona tali atu o le Komiti Faatino e Pulea Taavale – O le fuaiupu 51 o le Tulafono autu ua teuteuina i le faaofiina i ai o le faafuaiupu ua taua mulimuli ane ina ua tuanai le faafuaiupu (3):

“(4) E tatau i le Komiti Faatino ona lipoti ma tali atu i le Minisita e tusa ai ma aiaiga o lenei Tulafono.”

3. Galuega Tauave ma Lipoti Faaletausaga a le Komiti Faatino – O le fuaiupu 53 o le Tulafono autu ua teuteuina:

(1) I le faaofiina i ai o le faailoga “(1)” a o lumanai upu “E tatau i le Komiti Faatino ona”.

(2) I le suia o le faailoga piriota i le faailoga semikolona i le faaiuga o le parakalafa (d).

(3) I le faaofiina i ai o parakalafa ua mulimuli ane ina ua tuanai le parakalafa (d):

“(e) I le maliega o le Minisita ia faia tulafono faatonutonu mo taavale feoi, tulafono faapoloaiga ma tulafono e puipuia ai e tusa ai ma aiaiga o lenei Tulafono; ma

(f) I le aso 30 o Setema i tausaga taitasi ia saunia ma tuuina atu i le Minisita se Lipoti Faaletausaga o galuega a le Komiti Faatino mo le 12 masina e faaiuina i le aso 30 o Iuni.

(2) E tatau i le Minisita ona faataatia le Lipoti Faaletausaga a le Komiti Faatino i luma o le Palemene i totonu o le 14 aso talu ona tauaaoina e le Minisita le Lipoti Faaletausaga ma afai e le o tauaofia le Palemene, i totonu o le fitu aso o le amataga o le tauaofiaga e sosoo ai.”

4. Malosiaga e fai ai tulafono faapoloaiga mo taavale feoi – O le fuaiupu 73(1) o le Tulafono autu ua teuteuina i le faaofiina i ai o le parakalafa ua taua mulimuli ane ina ua tuanai le parakalafa (k):

“(l) O nisi o faamoemoega e faatatau i so o se vaega o tulafono faatonutonu mo taavale feoi, pulega o taavale feoi ma le faaaogaina o ala tetele e le o aiaia i lalo o parakalafa (a) e oo i le (k) o lenei faafuaiupu.”

5. Aloaia o nisi o tulafono faapoloaiga mo taavale feoi – O le Tulafono Faapoloaiga o Taavale Feoi i Auala Tetele 1994 SR 1993/9 e tatau ona avea mo faamoemoega uma ua aloaia lona faia ma ua atoatoa lona faamamaluina ma le aloaia.

6. Teuteuga e mulimuli mai ai – O le fuaiupu 4 o le Tulafono o Felauaiga i Auala ma le Pulea o Taavale e Feoi i Ala Tetele 1990 ua teuteuina i le aveesea o upu uma ina ua tuanai upu “Tulafono o le Matagaluega o Felauaiga 1978 ua soloia”.

O loo faafoe le Tulafono i le Matagaluega o Felauaiga

**Lolomiina e le Failautusi o le Fono Aoao Faitulafono,
i le pule a le Fono Aoao Faitulafono.**